

- Daz er ze chvnig was erhorn
 vñ von folher art was geporn
 Daz er felbe di gefchicht
 280 gelovbn felb mohte nicht
 Daz er fo hoch folde chomen
 daz er würd genomen
 In alfo hohes mannes chraft
 mit chvnichleicher herſchaft
 285 Do er von fo leihter art
 er chorn an chvngel herſchaft wart.
 Die glos der dovtvng
 [2^{vb}] fagt die bezaihvng
 Wa von daz olvaz gleſein was
 290 licht vñ gantz hert als daz glas
 Vñ fo iz aller ſchonift iſt
 fo priſtet iz in chvrtzer friſt
 Daz tvt bezaihnleich
 Savles chvnichreich
 295 Daz praft alſam daz hertte glas
 do iz in ſeiner peſte was
 Vñ zergie pei ſeinen tagen
 von Samvel dem weiſſagn
 Schiet der Ewart Savl zehant
 300 vil dikch wart er des gemant
 Daz er nicht verzagt
 dar an des er im fagt
 Wan got het in ze chvnig erhorn
 fwie nider er douhte ſich geporn
 305 Vber die Iſraheliſch diet
 als er von Samvel geſchiet

278 vñ fehlt *W*₂. was fehlt *W*₂, was er *W*₂. 280 mohte gel.
 niht *W*₁. 282] vnd alfo w. vz gen. *W*₁. 283 fo hoher *W*₁.
 284 mit] in *W*₁. 285 Do] Das *W*₂. von fo l.] ſvſt von l. *W*₁, von
 lieb' *W*₂. 286 an ch. h.] cze chvngel *W*₂. 287 der fehlt *W*₂.
 bedevtunge *W*₁ *W*₂. 288 die] vns *W*₁. 289 Wa von] Wan *W*₁.
 vas *W*₁. 290 daz fehlt *W*₂. 291 Vñ fehlt *W*₁. iz fehlt *W*₂.
 293 tet *W*₁. 296 in f. veſte *W*₂, aller peſte *W*₁. 297 pei [.] in
 fein *W*₁. 300 dikch] oft *W*₂. 302 vragte *W*₂. 303 het fehlt *W*₂.
 304 er d. ſich] ere wër *W*₂.